

## UDAKO GAU OSGARBI BAT.



(NEURE ADISKIDE ON JOSÉ ARTOLA BERTSOLARI GAZTEARI)

### I.

Zeruak zabaltzen dau  
Gabeko estalkia,  
Izurrezko lorakaz  
Ornidu ta josia;  
Erregiña bat legez,  
Burdian illargia,  
Doa uts urdiñean  
Zidar urrez jantzia;  
Ederra ete daukan  
Ikusteko arpegia,  
Billatu nairik dabill  
Ibai sail bat geldia.

Firi firicho<sup>1</sup> dator  
Aise zirimiria,<sup>2</sup>  
Zizpuru bigunakaz  
Esnatzera orria;  
Eta lorea pozik  
Andia zeñ chikia,

---

(1) Suavemente.

(2) Menudo.

Dago atsegiñetan  
Edanaz intz ezta;  
Egunak deutsalako  
Emoten egarria,  
Eguzkiaz sartzean  
Izpi zorrotz gorra.

Naiz da goisetan izan  
Barritsu bat andia,  
Abian dago lotan  
Gaututean choria;  
Urtenda bere echetik  
Barriz ontz ichuſia,  
Uluka ta uluka,  
Dabill errondaria,  
Eta entzun orduko  
Aren zantzo zolia,  
Sasi-pean izartzen  
Da ariñ ipurtargia.

Mendiko charkochoa  
Aiñ da murmularia,  
Gabetan ak dirudi  
Jende pillo andia;  
Eta errechiñolak  
Baldin iratzarria,  
Badago, ta badauka  
Kantetako aldia,  
Ichita epelchorik  
Lo egoan abia,  
Alegeretu oi dau  
Inguru-mai guztia.

Ederra da benetan,  
Zeruan illargia,  
Ederra duda baga  
Izarren arpegia;  
Ez da bere tristea

Ontzen ulu zolia,  
 Naibagegarri bere ez  
 Ipurtargi chikia;  
 Errechinola azkenez  
 Kantuz bada asia,  
 Miragarritzat daukat  
 Udan gau osgarbia.

## II.

Biotzean dau sartuten  
 Gabak berez tristurea,  
 Zeru lurak egon arren  
 Ondoan apaindurik;  
 Naiz da sortitzak agertu  
 Berak al daben galea,  
 Baña norbera badago  
 Baso baten bakarrik,  
 Samurtzen da arimea,  
 Gaba dala jakiñik.

Izar zuri zurbilchoak  
 Uts-urdiñ zabal orretan,  
 Erratu batzuk legeche  
 Ibilli oi diranak;  
 Dirudie lur au largau  
 Eben espiritu onak,  
 Emengo presondegitik  
 Askatu ta joanak,  
 Jauna billatu eziñik  
 Zeruan dabiltzanak.

Ainbeste zuzi suturik  
 Zeruan dakusguzanak,  
 Illargiak eurakaz bat  
 Illunpeko lur oni;  
 Bialtzean errañuak  
 Esan leike direala,

Zoriondunen begiak  
Edo nundik beroni,  
Begiratu nai deutsenak  
Gizon lo datzanari.

### III.

Aiñ dira enkantugarriak,  
Gabak dituzan ezkutapenak,  
Arima zoratu oi dabe,  
Jaunaren alako bear eskeragak.

Euretan arritu egiñik,  
Neurtizgei ederrak ditut billatzen,  
Jeoba adorau egiñik,  
Isillik aurrean nachako umilltzen.

Lirea jausten jat lurrera,  
Begiak orduan jaso zerura,  
Biotzak al baleit bertatik  
Urtenda araše egatu gura.

FELIPE ARRESE TA BEITIA.

Ochandion, 1891-kourtean.

